

TŌKU REO 2 - WHAKAARI 10 - MĀORI

- EXAMINER: Kia ora Whaea. Kua reri koe?
- WHAEA MĀKOHA: Ae, kua reri au ināiane. Heoi, me kī pono au, kaore au i te reri ināpō.
- EXAMINER: Ka tutuki noa atu i a koe. Whakautua e koe ngā pātai katoa. Kia mutu, karanga mai.
- WHAEA MĀKOHA: Hmmm, kia hia hēkona te whakakekonga i ngā raiti huri i mua atu i te huringa?
- Kei te tika kia mōhio ahau ki tēnei, i kite au inanahi.
- Mehemea ka hipa koe i te tangata eke hōiho, me aha koe?
- a) me āta haere
- b) me tere atu te haere
- c) me tū i waenganui i te rori
- I pēnei hoki i tērā tau i taku toronga atu i a Shirley. Kei te eke hōiho a Maringi i te taha o te rori, kua ngaro hoki ahau...ka tū au ki te tonono tohutohu i a ia. Nō reira - C.
- WHAEA MĀKOHA: Kia ora, kua oti.
- EXAMINER: Ngā mihi.
- WHAEA MĀKOHA: Ka mōhio au mēnā i puta au...i te ata nei?
- EXAMINER: Ko te...
- WHAEA MĀKOHA: I te rā nei? I tēnei wiki?
- EXAMINER: I muri i tō whakamātautau whiu waka.
- WHAEA MĀKOHA: Aaa, ka tika hoki. Te whakamātautau whiu waka.

HĀWHE TUARUA

MĀKOHA VOICE OVER AGAIN

Tēnā, he huringa e toru peka. Ka taea tēnei e au, he pai nō te ako mai a Wiremu. Inahea tēnei i mahia ai e au? I te Mane? Kao, kao, i te Turei. Tahi.

I akona tēnei i te Wenerei. Kei te hē, i haere kē au ki te whareware. Te pukuriri hoki o Wiremu. Rua. Kāti. I te Taite. Kao, kōrero kē ana au i runga i te waea. I te Paraire. Ae, i te Paraire. Toru.

TŌKU REO 2 - WHAKAARI 10 - MĀORI

Ka pai e hine. Ka taea anō, Ko te hoki whakamuri me mahara kau ake ki ngā tohutohu a Wiremu i te Rāhoroi. I mahia anō hoki i te Rātapu, ko te tikanga, he māmā noa iho.

- WIREMU: Hena. He aha te kōrero?
- MĀKOHA: I raru au.
- MARUIA: Aue, te aroha anō ki a koe Aunty.
- MĀKOHA: Kei te pai e kare. Ki a au, he tinihanga kē ngā pātai.
- MATAI: Te kore o tō āhua e pouri Aunty.
- MĀKOHA: Hei pouri aha. Kāre au i whiwhi ki taku raihana, engari, tērā kē atu te kaupapa whakahirahira rawa i whiwhi ai au.
- MĀKOHA: Ko koutou! Ka noho tonu au ki konei. Kua rīhi whare iti au mōku i kō tata atu.